

ƁANMIEN SIELE BLE JUNMAN

AFUE 2013, NOVAMBLU

LE MDCUE M'Ɔ BO I BO NOVAMBLU I LE 11

Jue 119 ye srele

□ **Asɔnun'n i Biblu'n nun like suanle:**

ƙi like suanle 5-7 (Min. 30)

□ **Ɓanmien junman dile suklu:**

Biblu'n nun kannganle: Ebre Mun 1–8 (Min. 10)

No. 1: Ebre Mun 4:1-16 (Nán maan ɔ tra miniti 4)

No. 2: ?Se yasua'n annze bla'n wunmen i wun fe aja'n nun'n, ɔ fata ke be ti nun?—*fg* bue 18, kosan 3 (Min. 5)

No. 3: ɔ fataman ke e jran sran'm be osu nianle'n, maan e bo jasin fe'n titi—*td* 18B (Min. 5)

□ **Junman dile apia:**

Jue 73

Min 10: Wafa nga e kwla suan e niaan'm be bo'n. Ijɔle. ɔ ti asɔnun kpenngben kun lie. ɔ taka blɔfue *Sasafue Tranwle'n* su, afue 2013, Novamblu 15, i bue 8-9.

Min 10: Like nga e kwla yo naan e klun w'a titiman e jasin bole nun'n. Ijɔle nin nzrafue'm be kosan usale. ɔ taka kosan ye'm be su: (1) ?Wafa se ye Ɓanmien srele'n kwla uka e naan e klun w'a titiman e ɔ? (2) ?Wafa se ye e wun siesiele'n kwla uka e naan e klun w'a titiman e ɔ? (3) ?Ke e nin akpasua sunianfue'n é bó jasin fe'n, ngue ye ɔ kwla uka e naan e klun w'a titiman e ɔ? (4) ?Ngue ti ye jasin fe'n bole titi'n kwla uka e naan e klun w'a titiman e ɔ? (5) ?Ngue ye ɔ ukali amun mɔ amun klun w'a titiman amun kun ɔn?

Min 10: "An nian Ɓanmien nuan ijɔfue'm be lie'n su: Oze." Kosan usale nin i su tele.

Jue 113 ye srele

An nian Ɓanmien nuan ijɔfue'm be lie'n su: Oze

¹ Atrekpa'n, ke a buli ninngge kpakpa nga Zoova yo mannin wɔ'n be akunndan'n, a usali ɔ wun ke: "Ngue ce ye ní pɛn i ní fá lá Zoova i ase ɔ?" (Jue. 103:2-4; 116:12) Oze i lie'n, ɔ yoli like nga Zoova seli i ke ɔ yo'n. Kannze w'a yoman pɔpɔ'n, sanngɛ ɔ klennin i wun yoli. ?Wafa se ye e kwla niɛn i ajale'n su ɔ?

1. ?Kosan benin ye atrekpa'n a fa usali ɔ wun ɔn?

² **Maan e bo jasin fe'n ble kekke nun:** Oze kennin i nde'n fa woli Izraeli nvle'n i nglo lo famien diwle'n m'ɔ ti akpasua blu'n i nunfue mun. Izraelifue nga be o lo'n be dan lika be kacili be sin sili Ɓanmien i sule kpfungue'n. Famien Zeroboamu II su'n m'ɔ ti akpasua blu ɔ'n be su famien'n, ɔ yoli sa te Zoova i prun. Kpekun nannin ba sole nga Zeroboamu I su'n kpeli i ba'n, ɔ feli i wun wlali nun wie. (2 Fam. 14:23, 24) I sin'n, famien nga be sinnin be osu'n be kusu'n, sa tete mun ye be yoli i sa trilili ɔ. ɔ maan afue 740 nun ka naan b'a wu Klist'n, be nunnunnin Izraeli nvle'n i akpasua blu ɔ'n. Kannze Ɓanmien i sule ng'ɔ timan su'n ye ɔ truli'n, sanngɛ Oze yoli Ɓanmien i nuan ijɔfue afue lele 59. ?Ye e li? ?Se bɔbɔ sran'm be bu be su nun waka'n, annze be tanndan e prun'n, y'a fua kpa ke é bó jasin fe'n titi?—2 Tim. 4:2.

³ **Maan e kan Zoova i aunnvue sile'n i nde:** Zoova seli Oze ke ɔ ja "tekle bla." (Oze 1:2) Be fle bla ng'ɔ jeli i'n ke Gomer. ɔ nin i be wuli ba kun. Sanngɛ bla ɔ'n kunnɔli bian Oze i bo, ye ɔ nin bian ɔ'n be wuli ba nɔnɔn. ɔ nin i ɔ'n ngba'n, Oze yaci celi i. Like ng'ɔ yoli i le'n, ɔ ti wafa nga Zoova nin Izraelifue mun trannin'n i nzɔlie. Yeke ke kannze bɔbɔ be yo sa te'n, sanngɛ ke be kaci be sa'n, Zoova yaci ce be, ye ɔ si be aunnvue. (Oze 3:1; Rɔm. 9:22-26) E kusu'n, maan e yi Zoova i aunnvue sile'n i nglo.—1 Kor. 9:19-23.

⁴ Ke ɔ ko yo naan Zoova i sufue wie'm b'a pan ble b'a bo jasin fe'n i kpa'n, be yacili be sa ti junman'n i dile. Wie'm be kusu be fali ajale ke be jaman bian annze bla, annze kusu be wuman ba. Ke e bu ajale nga Oze fali'n su akunndan'n, atrekpa e kwla se e wun ke: 'Nga lie'n, n su kwla yoman ke i sa le.' Sanngɛ ke Oze sa'n, se e bu Zoova i akunnye dan'n su akunndan naan e lafi su ke i wawe'n kwla man e wunmien'n, Zoova kwla fa e di junman nga e sunzunman'n.—Mat. 19:26; Fil. 2:13.

2. ?Wafa se ye e kwla nian Oze i ajale kpa'n su jasin fe'n bole'n nun ɔn?

3. ?Ngue ti ye e kwla se ke ajale nga Oze fali'n, ɔ ti Zoova i aunnvue sile'n i nzɔlie ɔ?

4. ?Ajale benin ye e kwla fa naan y'a wla e wun ase y'a su Zoova i kpa ekun ɔn?

LE MDCUE M'Ɔ BO I BO NOVAMBLU I LE 18

Jue 20 ye srele

❑ **Asɔnun'n i Biblu'n nun like suanle:**

ji like suanle 8-10 (Min. 30)

❑ **Ɔanmiɛn junman dile suklu:**

Biblu'n nun kannganle: Ebre Mun 9–13 (Min. 10)

No. 1: Ebre Mun 10:19-39 (Nán maan ɔ tra miniti 4)

No. 2: ?Ba mun, ngue ye Ɔanmiɛn kundde ke amun yo ɔ?—*fg* bue 19, kosan 4 (Min. 5)

No. 3: Ɔ fata ke e bo jasin fe'n naan y'a Ɔanman nde—*td* 18C (Min. 5)

❑ **Junman dile apia:**

Jue 10

Min 10: Kosan'm be su tele. Ijɔle nin nzrafue'm be kosan usale. I sin'n, kan *Siele Ble'n i ngannien* n° 38 i cɛcɛle'n i su nde kan.

Min 10: “Like nga ti ye e ba'n, yele ke...” Ijɔle nin nzrafue'm be kosan usale. Bo fluwa nga é fá mán sran mun Desamblu nun'n su. Kpe-kun maan be yi i fa manle'n kun annze nɔnɔ nglo.

Min 10: Zoova tie i sufue'm be srele'n. (1 Zan 3:22) Ijɔle nin nzrafue'm be kosan usale. Ɔ taka *Annuaire 2013* su. I bue 91 § 2-3, ɔ nin i bue 108-109. Afɔtue nga nde sɔ'm be man'n, se nzrafue mun naan be ken i nde.

Jue 56 ye srele

KOSAN'M BE SU TELE

■ **?Se aniaan bla kun su kle sran kun i Biblu'n nun like sran'n i anuan'n nun le naan aniaan bian kun o le'n, ɔ fata ke aniaan bla'n kete i ti?**

Se aniaan bla kun su kle sran kun i Biblu'n nun like naan aniaan bian kun o le'n, ɔ fata ke aniaan bla'n kete i ti. (1 Kor. 11: 3-10) Blɔfue *Sasafue Tranwle'n*, afue 2002 Zuie i le 15, i bue 27 nun'n, be kleli i ke: “Biblu'n nun like klele'n ti junman kun m'ɔ ti siesiewa ɔ. Ɔ ti ke apia'm be tinngɛle'n sa. Ɔ maan se aniaan bla kun nin aniaan bian kun mɔ b'a yo be batemu be su kle sran kun i like'n naan aniaan bla'n ye ɔ tinngɛ like klele sɔ'n, ɔ fata ke ɔ kete i ti.” Se awlo lɔ ye be kle sran'n i like o, se anuan'n nun le o,

annze lika ufle o, maan aniaan bla'n kete i ti.

Sannge se aniaan bla kun kle sran kun i Biblu'n nun like sran'n i anuan'n nun le naan aniaan bian kun o le'n, se like suanle sɔ'n nin a takaman kpa'n, ɔ nunman nun ke san fii ɔ kete i ti. Se bɔbɔ wafa nga e nin sran mun e suan Biblu'n nun like'n ye ɔ su yiyi nun'n, annze se ɔ nin i be su nian e Biblu'n i akua nga e fa kle sran'm be like'n be nun kun nun'n, like fi mianman aniaan bla'n ke ɔ kete i ti. Ke be kle sran kun i Biblu'n nun like i anuan'n nun le'n, like suanle sɔ'n kaman le takaman kpe kunngba. Ke é nían sran sɔ'n i osu flán nun'n, ye like suanle'n taka ɔ. I sɔ'n ti'n, ɔ fata ke jasin bofue'm be bu akunndan kpa naan b'a wun ble ng'ɔ nin i fata ke aniaan bla'n kete i ti'n.

“Like nga ti ye e ba'n, yele ke...”

Ke e kɔ jasin fe'n i bole'n, wie lie'n, ke sran'm be tike be anuan'n mɔ be wun e'n be usa be wun ke wan yele e, ye ngue ye e be i kunddele ɔ. ?Nde benin ye e kwla kan naan be wla w'a gua ase ɔ? Aniaan wie'm be lie'n ke be ko yo sran'n i like'n mɔ b'a ti be jasin'n w'a

wie'n, be kan like nga ti ye e ba'n i nde. Wie lie'n, be se ke: “Like nga ti ye e ba'n, **yele ke** nzaje sa nga sran'm be yo be'n ti'n, e mantanfue'm be klun titi be. ?A bu i ke...” Annze kusu be se ke: “Like nga ti ye m bali ɔ osu nianle'n, **yele ke** n kundde ke e nin wɔ e suan Biblu'n nun like, dein su fiteman nun.” Se e kan **like nga ti ye e ba'n** i nde trele e kle sran'n, atre-kpa'n ɔ sie i su tie **e nde'n**.

LE MDCUE M'Ɔ BO I BO NOVAMBLU I LE 25

Jue 122 ye srele

□ Asɔnun' n i Biblu'n nun like suanle:

jl like suanle 11-13 (Min. 30)

□ Jlanmien junman dile suklu:

Biblu'n nun kannganle: Zak 1—5 (Min. 10)

No. 1: Zak 1:22—2:13 (Nán maan ɔ tra miniti 4)

No. 2: ?Sie nin nien mun, ngue ye ɔ fata ke amun yo naan ba'm b'a wun be wun fe ɔ?—*fg* bue 19, kosan 5 (Min. 5)

No. 3: Kb sran'm be su kwla wunmen i—*td* 19A (Min. 5)

□ Junman dile apia:

Jue 95

Min 10: Wafa nga Desambu nun'n, e kwla fa periodiki mun e man'n. Ijɔle nin nzrafue'm be kosan usale. Fa miniti sin kun annze miniti kun kle like nga ti ye fluwa'm be nun nde'm be kwla yo sran'm be fe amun lika lie nun lo'n. I sin'n, fa ɔ pin sie i nde ng'ɔ kle *Sasafue Tranwle'n* su'n i su. Kpe-kun usa nzrafue mun naan be kle kosan kpa nga be kwla usa'n, ɔ nin Biblu'n nun nde mma nga be kwla kanngan nun'n. Fa *Réveillez-vous !* naan yo i kunngba'n. Se a le i wun ble'n, fa nde ufle periodiki nɔn'n be nun kun nun naan yo i kunngba'n. Wafa nga e kwla fa periodiki mun man'n, maan be yi i nglo kunngunngun.

Min 10: ?Wafa se ye ɔ fata ke e te su ɔ? Ijɔle. ɔ taka fluwa *École du ministère* su. I bue 69 § 1-5. Sa kun o Biblu'n nun like suanfue kun su. Ye ɔ usa jasin bofue ng'ɔ kle i Biblu'n nun like'n ke: “?Se ɔ ti wɔ'n, á yó i se?” Maan be yi wafa nga jasin bofue'n té su'n i nglo.

Min 10: “Nde akpasua kun mɔ e kwla fa bo jasin'n fe'n i kpa ekun'n.” Kosan usale nin i su tele. Maan be fa nde akpasua “Conversation avec un Témoin de Jéhovah” be nun kun m'ɔ fiteli koko nun wa'n naan be yi i nglo kpe kan. I sɔ yole nun'n, maan be nian nde kpɔle 3 su'n i nun afɔtue'n su. Jue 45 ye srele

Nde akpasua kun mɔ e kwla fa bo jasin'n fe'n i kpa ekun'n

¹ Blɔfue nun *Sasafue Tranwle'n* nga e fa bo jasin fe'n i nun'n, be fle nde akpasua kun ke “Conversation avec un Témoin de Jéhovah.” Like nɔn ti ye be yili nde akpasua sɔ'n nɔn. I klikli'n yeke ke ɔ uka sran mun naan b'a wun

1. ?Like nɔn benin ti ye be yili nde akpasua nga be fle i “Conversation avec un Témoin de Jéhovah” nɔn?

like nga Biblu'n kle'n i wle kpa. I nɔn su'n yeke ke ɔ kle e wafa nga e kwla uka sran mun blebleble naan b'a wun nde wie'm be wle'n. (1 Pie. 3:15) ?Wafa se ye e kwla fa nde akpasua sɔ'n e di junman kpa ɔ?

² **Maan e fa bo jasin fe'n:** E kwla fa *Sasafue Tranwle'n* nga nde akpasua sɔ'm be o nun'n be nun wie mun sie e sa su. Se Biblu'n nun like suanfue kun, annze sran kun mɔ Jlanmien Nde'n lo i'n, annze kusu sran ufle wie usa e kosan kun mɔ be dun mmua kennin i nde *Sasafue Tranwle'n* kun nun'n, maan e fa men i. I sin'n, maan e se i ke e kunnde ke e nin i é kókó su yale. Se fluwa sɔ'n w'a wie e sa nun'n, atrekpa e kwla pan wie e enteneti adresi jw.org su.

³ ?Wafa se ye e nin sran kun e kwla koko nde akpasua sɔ'n i su yale ɔ? Aniaan wie'm be seli sran'n ke ɔ men i nen'n su kanngan nde tiefue'n i nuan nde nga be kleli i fluwa'n nun'n i nun, kpekun be bɔbɔ be kanngan jasin bofue'n i nde lie'n nun. Like klele wafa sɔ'n ba nvle kpa, afin ɔ yo maan sran'n i wun yomen i kensren. —Mml. 32:2.

⁴ **Maan e fa yo e wun sa ye naan e fa uka sran ufle:** Ke é kánngan nde akpasua sɔ'n nun'n, maan e fa e pin e sie i Biblu'n nun nde mma'm be su. Maan e fa e pin e sie i sunnzun ase nin nde bɔbɔ ba nga be kleli'n be su wie. Asa ekun'n, maan e bu wafa nga sran nga be su ijo'n be yo be nen'n i akunndan. I sin'n, maan e nian su e yo i kunngba'n jasin fe'n bole nun. (Nya. 1:5; 9:9) Aniaan bla kun seli ke: “Ke n kanngan nde sɔ'm be nun'n, ɔ yo min ke min nin atin bofue kun m'ɔ si jasin fe'n i bo kpa'n e su di junman likawle sa.”

⁵ E kwla fa nde akpasua sɔ'n kusu e uka Biblu'n nun like suanfue kun naan w'a siesie i wun w'a ko bo jasin fe'n. Maan e nin i e kanngan nun likawle. I sɔ yole nun'n, maan e se i ke ɔ yo ke i ye ɔ ti jasin bofue'n sa. I lie'n, sɔ sí nde'n i kán amannien su jasin bole'n nun. (Kol. 4:6) Nanwle, ninngge kpakpa nga Zoova man e naan y'a bo jasin fe'n y'a 'guegue i bo'n,' be nun kun yeke nde akpasua sɔ'n.—2 Tim. 4:5.

2. ?Wafa se ye e kwla fa nde akpasua sɔ'n e bo jasin fe'n nɔn?

3. ?Wafa se ye e nin sran mun e kwla koko nde akpasua sɔ'n i su yale ɔ?

4. ?Wafa se ye e kwla fa nde akpasua sɔ'n e yo e wun sa ye ɔ?

5. ?Wafa se ye e kwla uka Biblu'n nun like suanfue kun naan w'a siesie i wun w'a ko bo jasin fe'n nɔn?

